



UNIVERSITÄTS-  
BIBLIOTHEK  
PADERBORN

**R. P. Ferdinandi De Castro Palao, Legionensis Soc. Iesv,  
Sacrae Theologiae Professoris, Et sanctae Inquisitionis  
Qualificatoris & Consultoris; Operis Moralis, De Virtutibus,  
Et Vitiis Contrariis, In ...**

Continet Tractatus De Conscientia, De Peccatis, De Legibus, De Fide, Spe,  
Et Charitate

**Castro Palao, Fernando de  
Lugduni, 1669**

5 De citatione facienda reo.

---

[urn:nbn:de:hbz:466:1-76540](https://nbn-resolving.org/urn:nbn:de:hbz:466:1-76540)



supradicti Doctores, & confirmat vsus. Secundò debet iurare denuntiationem factam. Tertiò est conueniens, vt talis denuntiator recipiatur presentibus honestis personis, iuxta cap. vt officium, de heret. in 6. consuetudine obseruatum non sit.

3. Facta autem denuntiatione Inquisitor procedit non ad instantiam partis, sed ex officio, examinando testes, quos denuntiator allegauit, vel alios, ex quibus veritas cognosci possit. Quòd si denuntiator testes alios non nominet, sed solum ipse de visu deponat; non debet Inquisitor statim ad inquisitionem specialem procedere. si denuntians sit nobilis, religiosus, aut alias non suspectus, ob grauem infamiam inde oborturam, sed matura deliberatione dictum denuntiantis debet expendere.

4. Admittuntur in hoc crimine ad denuntiandum omnes etiam si fuerint abentes, modo proprio nomine, & iuramento denuntiationem firment. Simancas catholice institution. tractat. 43. rubric. de ordine procedendi. numer. 10. Farinacius quest. 185. numer. 66. Quòd si proprio nomine literas non susceperint, repellenda omnino est denuntiatio, neque alicuius momenti estimanda, quia presumitur falso. Alias daretur occasio improbis probos infamandi, vt bene dixit Simancas in enchirid. violata religion. titul. 22. rubric. de inquisition. ordin. numer. 8. Farinacius numer. 68. Limitat tamen Paramus de origine sancta Inquisitionis, lib. 3. quest. 6. numer. 93. vt intelligatur, quando in illis literis nulli essent nominati testes. Nam si testes nominentur, existimat posse Inquisitores ad illorum examinationem procedere. Sed non placet limitatio, quia nominatio illa testium non est authentica, sed potius suspecta, vt pote à persona incognita. Ergo non potest sufficere iudici, vt inquisitionem specialem faciat, quae de se infamationem praequirat: & ita docet Farinacius 9. 185. numer. 68.

PUNCTVM IV.

Qua ratione per inquisitionem procedatur.

- 1 Duplex est inquisitio generalis, & specialis & quid ad generalem requiratur.
- 2 Quid ad specialem inquisitionem.
- 3 Ex leuibus iudiciis non est capiendus reus.

**H**ec est tertia via, & satis vstrata, qua Inquisitores in causa fidei procedunt. Duplicem Doctores inquisitionem distinguunt, generalem vnam, alteram specialem. Generalis inquisitio est, in qua aduersus nullum delinquentem expressè proceditur; sed solum in genere proponitur, si forte aliqui sint occulti, vt manifestentur. Ad hanc ergo inquisitionem non est necesse aliquam informationem procedere, cum nemini iniuriola sit, & potius ad praecauenda mala reipublicae & delinquentes coërcendos instituta sit. Quapropter ipse Inquisitor saepe in anno hanc inquisitionem generalem facere debet, prout faciunt suis edictis, iuxta textum in cap. excommunicamus. l. 1. §. adiciamus, & §. vltimo de hereticis.

2. Specialis autem inquisitio est quando aduersus aliquem specialem, & nominatum Inquisitor procedit; tum ipsum interrogando, tum examinando testes. Hac autem institui non potest, nisi infamia praecedat, iuxta textum in cap. qualiter, & quando, de accusationibus & tradit Simancas de catholice institution. titul. 44. numer. 8. Quae autem infamia sufficiat, non est constans apud omnes. Reputarem orti debere ex grauibus iudiciis. Ex leuibus enim, quae delicto graui annexa non sunt, moueri non debet iudex ad suspicandum, & dobitandum tam graue crimen de homine Christiano, vt latius diximus, cum de penis, quas incurunt suspecti, locuti fuimus.

3. Vnum tamen est omnino certum, etiam si leuia iudicia, quae annexa non sunt graui delicto, aperiant viam iudici ad inquisitionem faciendam; non tamen ex illis moueri iudex potest ad capturam rei. Hac enim captura cum sit ita delinquenti molesta, damnosa, & infamatoria, necessariò expostulat, aut delictum esse plene probatum, aut latrem de illo sint iudicia, dispositionesque vehementes probatae: imò si est persona nobilis, religiosa, & honeste vitae, non debent Inquisitores abque consilio supremi Senatus ad capturam procedere, nisi forte fuga timeatur. sic docet tradit Eymeric. 3. part. director. rubric. de forma examinationis testium, num. 37. & ibi Pegna comment. 17. versicul. ergo in hoc articulo, & 3. parte quest. 59. comment. 59. com. 108. vers. primus ergo. Rojas tractat. de hereticis, 2. part. assert. 1. num. 1. & sequentibus Farinacius de heresi, quest. 185. numer. 7. Simancas catholice institut. titul. 16. rubric. de custodia reorum, num. 1. & sequenti & praecipue titul. 43. rubric. de ordine procedendi, n. 12. & in enchirid. violata relig. tit. 25. rubric. de comprehen-

denis n. 1. & segg. Ludouicus à Paramo de origine sancta Inquisitionis, lib. 3. quest. 4. rubric. de forma, & ordine iudiciorum sancti officii, n. 30. Sigismund. Seaccia tract. iud. cap. 44. per totum, & alij committer.

PUNCTVM V.

De citatione faciendi reo.

- 1 Semper reus citandus est.
- 2 Citari autem debet primò absque causa expressione, si non timeatur fuga.
- 3 Si citatus verbaliter non comparet, capiendus est, si minus citandus causa expressione, & vnica citatio sufficit, ex consuetudine tamen trina habetur.
- 4 Citatio non solum ad contestandam litem, sed magis ad sententiam requiritur.

**Q**uocumque modo inquisitores procedant, accusatione, denuntiatione, aut inquisitione, semper reus citandus verbaliter est, quia eius res familiaris, honor, & vita periclitatur. Quapropter potestatem habere debet se defendendi. habetur cap. quisquis Episcopus, 4. quest. 5. cap. venerabilis, de dolo, & contum. & tradit Decian. tract. crim. lib. 5. cap. 32. n. 1. Paramus de origine sancta inquisit. lib. 3. quest. 4. n. 6. Farin. 9. 165. n. 154. Pegna ad Eymeric. 3. part. director. comment. 17. vers. rursus.

2. In hac autem inquisitione verbali, (de qua loquimur) inquisitus comparet, nec de illo timeatur fuga, citandus est absque causa expressione, solum in genere proponendo, velut Inquisitores ab eo aliqua scire; ne detur occasio capitandi fugam: sic Brunus tractat. de hereticis, lib. 4. cap. 6. Pegna ad Eymeric. de director. 3. part. comment. 33. n. 131. Paramus de origine sancta Inquisitionis, lib. 3. quest. 4. rubric. de forma, & ordine iudiciorum, n. 34. Simancas catholice instit. tit. 43. rubric. de modo procedendi, num. 12. sine. Quòd si ex hac sola citatione generalis fuga prudenter timeatur, capiendus est reus omnia verbali citatione, ex textu in nullus, C. de exhibendis reis, & l. fin. C. de custodia reorum. & notauit Pegna tertia parte director. comment. 17. n. 73. vers. rursus.

3. Facta hac verbali, & generali citatione, si inquisitus non comparet capiendus est, si (capi potest), si minus citandus non causa expressione, videlicet vt de fide respondeat: iuxta textum in cap. cum contumacia, de hereticis, in 6. sic Seaccia de iudic. cap. 43. n. 9. Farinacius quest. 185. numer. 114. Pegna ad Eto comment. 33. numer. 131. vers. sic. fit tamen. Hac citatio, si rigorem spectemus, vnica sufficit, quae tribus aequalit, signato termino competenti, & peremptorio ad comparendum, quia nullibi, habetur expressè in hoc casu trinum expostulat, praecipue cum in hoc crimine non ardeat iudex sollemnitate iure aliis requisitus. At ex consuetudine aduersus abentem contumacem trina citatio expressè solet, signato in qualibet illarum termino competenti, vt sic proceditur, & sententia magis iustificetur. sic Rojas sing. 29. Paramus de origine inquisit. lib. 3. 9. 4. n. 65. Farin. 9. 185. n. 117. & 157. Simancas de catholice instit. tit. 14. rubric. de contumaciis n. 6. & in enchirid. viol. relig. tit. 45. rubric. de absentibus n. 3. & 4.

Forma seruanda in hac citatione optimè ponitur ab Eymeric. director. 3. part. à numer. 130. & à Pegna ibi, comment. 33.

4. Non solum ad contestandam litem, & firmandum processum, citatio est omnino necessaria, sed multo magis ad sententiam pronuntiandam. Nec enim valide sententia profertur potest, quin prius reus citetur expressè ad illam audiendam, vt satis colligitur ex element. saepe, de verborum significat. vna finem, ibi, sententiam definitiuam (citatis ad id licet non peremptorie paribus) profertur. sic Pegna aliis relatis 3. part. director. comment. 10. 165. vers. rursus, & sequentibus Paramus de origine inquisit. lib. 3. quest. 4. rubric. de expeditione processu, num. 19. Decian. tractat. crimin. lib. 5. cap. 38. numer. 27. Farinacius quest. 185. numer. 155. Carcer. tractat. de hereticis, num. 128.

PUNCTVM VI.

De defensionibus concedendis reo, antequam condemnetur, vel absoluat.

- 1 Defensionis, exceptioeque legitima, & tempus aptum ad illarum probationem reo sunt concedenda.
- 2 Sint danda ha defensiones reo confesso, vel convicto, praesertim adhibendi ratio.